

【三無差別】（科註第五一九頁第七行）

《佛學大辭典》：（名數）

一、心無差別，謂一念之心體，凡聖不二，具十界十如是之法，諸佛與眾生之性無有差別也。

二、佛無差別，謂十方諸佛了悟十界十如是之法而成正覺。即是悟本心之所具，悟眾生之所迷。迷悟因果雖殊，而其體無有差別也。

三、眾生無差別，謂九界眾生各具十界十如是之法，諸佛之所悟與本心之所具，其體無有差別也。

華嚴經曰：「心佛及眾生，是三無差別。」

【如來家】（科註第五一九頁倒數第四行）

《佛學大辭典》：（術語）真如法界為如來之所住，故稱如來家。

唯識論九曰：「菩薩得此二見道（真見道與相見道）時生如來家。」同述記九末曰：「無性云：謂佛法界名如來家，於是證會，故名為生。」（真見道：於見道位起無漏根本之無分別智，悟唯識真如之理也。相見道：真見道之對。謂真見道之後，起後得有分別之智慧，對於前之無分別智所證之真理，再分別變真如之相分，擬於真見道而觀念之之位也。）